

REŠETO

ŠALJIVI LIST



1922!

Dobra nam došla naša draga posestrimo. Sretni smo ča smo jemali sriću da te nakresani doškamo u zdravju i veseju.

Ova ča je bila bila prid tobom bila je godina mižerije i nesriće, a ti moraš da budeš godina sriće i bogatstva.

Ako neš da i tebi poza smrti proklinjemo a ti sad lipo poslušaj nas i učini ča ti mi nalažemo:

Da nam jematva bude ka u Miru pa će sve pocinit a i naši će se siromaji moć onda okusit biloga;

Da na svaki trs urodi po 50 kili grozja, pa ćemo ga jemati cine ka od majke rojenoga, a ne mištore ka sadac;

Da američanski dolar bude ka naš dinar pa ji neće doć voja kupit sve tukce i kokoše na pazar;

Da naš dinar bude vridit 10 liri pa ćemo onda za malo krun jemati svega: mudanti, košulj fuštanja, kularini, postoli, škarpini, gonduleti crjeni, bili, žuti, kafe, riži biži, markaruni, pjati, teć, limuni, naranči, suvi smokav, jabuk, krušak, mandul, orijov, krpiliri, konserve i sve druge potrebe;

Da bog prosvitli pamet Daluncju, Radiću, Oškaretu i svin drugin ustašan po svitu;

Da pocinidn elaznice za čino, trejatre, šantane i da ji bude u Splitu baranko 20 da čovik more odit di ga je voja, a ne ka sadac; na bal, u čino, u kafu ol u posteju;

Da naš Split dobije zračni spoj sa svin većin centrima, ka n. pr. sa Sućurcem, Majdanom, Klisom, Šolton i t. d.

Da nan sviman ulizaju sami fjorini u žep, pa nan nebi tribalo nikomen radit; bila bi kod nas uvijek tjera ka na Sudajmu, uvijek bi se frajalo i lumpovali, i Amerikanci bidu dolazili kod nas a ne mi u

Jamerike, pa bi Split u godinu dan posta najviši grad, viši nogo Londra;

Da svaki dan bude jemati 48 uri, jer je ovako malo vrimena za feštedjavat. Morali bi jemati 24 ure samo za fraje, a 24 za sve druge potrebe;

Da sve zvizde budu sjat ka mišec pa nan onda ne treba ova letrika ča čini škuritad zanamisto svitlost;

Da se s Mosorom i Kozjakom napuni kanal od Splita do Brača i Solte, pa da sve bude ledina; ovo bi bilo dobro za naše fujsbalište, jer bidu jemati dosta mista, a ne ka sadac, da igraju u 5 na jedan plac; za kupanje dosta je da ostanu Bačvice, a Baluni i Firule moredu bit kuntenti sa BAL-PARE;

Da cipli, lignji, anguje, škuške lokarde, patamide, jastogi, tunji, barbuni restu u poje ka kukumari oli rodakve; girice, čučine, srdeline i druge ribe nebi nan ni tribale;

Da se stari Split u jednu noć pritvori u veliki novi Split onaki ka ča su ga bili dišenjali naši inžiniri; svaki bi čovik i žena jemati po dvi komore a dica po jednu. Svi bi palaci na rivu jemati po 8 podi samo bi jedan jema 12 i to oni na kojemen bi zlatnim slovi-man bilo napisano: "Redaction del journal mondial "Rešeto".

Da budemo jemati baranko 30 mužik na letriku, jer nebi niko tija puvat, kad bi svega jema;

Da nestanu bolesti i da niko ne umire a da uvijek more ostat mlad. Umrit bi moga samo oni, koji bi doša do Matuzalemovi godin. Mi ne tribamo smrt;

Da ova godina donese Rači jedan lipi i veliki jaht ka oni ča ga je jema lupež i farabut Atens;

Da se pošaje Oškareta ka nesposobna i mirovinu, a neka mu se da panatika ka pok. kraju Nikoli, jer on ni sposoban za novinara ka Baćo;

Da se licencija sv'n popiman, fratriman, kaluniciman, švoran i koludrican da se moredu ženit i udavat koliko ji je god puti voja i da moredu frajavat s nan;

Da se sviman cotaviman i kljastiman napravidn ruke i noge, da svi gobavi ka Tiklipere postanu dreti, da svi čoravi progledaju, a mutavi progovoridu, da svi tusti smršavidu a mršavi odebjaju pa da budemo svi jednaki;

Da se uspostavi brza p'robrodarska pruga Baćo & comp. između gradova Pojuda i Sućurca, jer se agencije Markovina, Ungarocroata, Dalmatia i Ragusea malo brigaju za one bande. Ova bi linija jemala bit ka i Kunard-Line.

Evo ovaku bi mi novu godinu želili, a ko nije za nju, neka digne ruku gore!

Ovakvu ja čestitan svim mojim prijatejiman i znanciman, svim mojim čitatejima i darovatejiman, da je sprovedu uz dobru čašu crneja i uz dobre bokune za mnogo godin.

Gospode usliši molitvu moju!
Amen! **BAĆO.**

Katastrofa Baćini rečama.

Nikidan kad je bila ona velika bura iz Sinja u redakciji "Rešeto" u Splitu dogodila se je velika kataštrofa od velike studeni.

I. Krepana veliki rečam gospodin Lugarin od tri godine.

II. Krepana Gerderin od 3 godine sa slovima (tri godine).

III. Krepana Gerdelin od godinu dan.

IV. i palame poklizija prvom rečamu Ferzelinu.

Velika uzbudjenost u Splitu. Moli se prijatelji da budemo oprošteni od vjenaca Redakcija "Supie" i "Rešeto" diža će bandiru na po ašte za tri miseca.

Ožalošćeni Baćo sin Ižidoro i Marija Valerija.

Impreža kapelan Trijeste.

Bolesni u Splitu.

Petar Šabić eks kolega obolio od topine t. j. live lupise. Hotel mu je kafana na nevoj obali.

Direcijunu od ferate Split.

Šaje Bačo jedan ispravih i švidu, da će on doć jednu uru prin ferata nanoge iz Splita na Labin.

Također neka subotom na sinjsku štriku dadu veliku lokomotivu i jedan vagun više za stranci po rh oni ča gredu na pazar i da dereciun o ferate zabrani pušit lulu u vagunu smrdi dim križti jubim ka da čes krepat.

Telefonske vijesti.

Rusi zauzeli Smokvu.

— Kako iz puzdana izvora doznajemo Rusi su zauzeli Smokvu.

Revolucija na Marsu.

— Prošle nedije buknulla je sovjeska revolucija u niku zemlju ča joj još nikad nisan činja za ime. Naše novine pišedu da je ta nova zemlja na Marsu.

Moj kolega Radić u Beograd.

— Kako nan javjaju iz Zagreba, Radić gre ove druge nedije u Beograd na sidnicu konstituante sa svin svojih poslanicima i kumpanjunima. Za put su naručili nove postole. — Čestitama!

Konkurencija u Beograd.

— Zemljoradnici će ući u vladu. — Podilili su se u dvi grupe za konkurenciju ko će boje pomagat vladu.

— Muslimani će sigurno ulist u vladu, još jin samo fali 2 milijarde krun i one njione zadnje uvjete.

Politika Njemačke.

— Njemačka je svršila pregovore u Londri, da nij mogla boje. — E ne, platit će jin nekoliko stotin milijardi, ka da su ludi, ol ka da jemadu pinez za bacivat.

Šibenske vijesti.

Iz života šibenskih štupidenata i štupidentica.

Namjera mi je da cijenjeno općinstvo upoznam s potrebama naših študenata i študentica, jer se nadam, da će im cijenjeno općinstvo biti u tom pri ruci.

Smiljki Š.: Dvi vriće poljubaca iz Stipine butige.

Milki Z.: Pet, šest duzina repetitura, da joj uture u glavu djela rimskih klasika.

Miljenku P.: Diploma, da postane učitelj plesa.

Miljenku J.: Još teke, da postane novi: Tolstoj, Meštovič, L. da Vinci i van Bethoven.

Nikoli N.: Kotlenica i vidro za lušijati robu

Nikoli K.: Stolitar vina i brema rakije.

Paškiću S.: Hercules, Bachus, Cicero, Livius et Naso Ovidius, suviše kuća — undert elf.

Dragi L.: Regimenta šupljača, da mu prosvitle pamet.

Za danas basta, a drugi put un poco di più, jer će svaki i svaka, doći na red.

Prijatelj Štupidenata i Štupidentica.

U DUČANU LUŠIĆA

jema jedan ogias ča piše
Stoj!

Stigle „Supjače“ judi na raspoloženje S. B. Meršelu kaput i trumbe Napoleona Bonaparte, i ludnica.

Razgovor na telefonu.

Hallo! Hallo! Bačo, koje tamo? Ja! Kako? Čuj! Novosti iz Šibenika. Vrlo interesantno? „?“

Ujutro velika funkcija sa kantanom Misom, na podne ricevimento kod Manjurica! Poslije podne u buffét Vidovich došla talijanska patrola, sigurni u svojega čovieka, kao u penižuli „Čizma“. — Uapsu jednoga našega bjegunca kažu: „Audačije“ saznavši telefonom bez žica učinjenu nepravdu počne pucati mitraljezama i topovima na patrolu koja povrti se sa zarobljenikom na obali. Pušketanje, traje žilu noć, patrola sakrije se šotovolto kod biskupa.

. kažu: Pušketanje znači veselje kad prijatelj saznavši u kažu: . . . vidio sam noćom doći kancikraft iz kantuna Sv. Nikola poskočivši barikade cijela škvadra polovica izgorenim kaminom kao „Goeben“.

. kažu: de su došli naučiti malo kreancije onoj patrcli, a zadnji pak kažu da naši civilisti i marinarišti nijesu znali samo kako proći karnovala pa su idealni ovu komediju za moći se koji put kod Anđela kuštoda naći u drništvo.

Zbogom?! sutra ću dalje!! — tek vidim colavog kapetana pitat ću mu za zaonje informacije o situaciji, on mi vazda sve tajno pričā; zbogom Bačo. Hallo, Hallo gospođice, ne govorim više, moj Bača ostao u Splitu ou će tamo pratiti diškorša i taksu!!

Vijesti iz Sinja.

Sinjski trgovci.

Kolak Ivan. — Ljebi svece — lipa moja — nezna se koje je stranke.

Piero Vuletić. — Trguje, pije, tuče ga žena, Kotaraševa prirepina.

Šimun Vidić. — Eratarka prirenina.

Celnić. — Vitez Frane Josipa, kad nije Jugoslaven onda znate što je.

Barković Jakov. — Obogatio se govori svašta, Kotaraševac.

Sibenjak. — Ogulio fratre do boga, austrija mora pobjediti, fratarska ispodrepina.

Dalbello Piero. — Tajni talijanaš sada tobože jugoslaven — prosti mi bože.

Medenjak Jakov. — Pomirio se ženom, pobratim Kotaraša.

Milun Stipan. — Opančr, jer ima novaca misli da je gospodin, umišljen, inače dobar Jugoslaven.

Odgovorni urednik: JOVO PUPOVAC.

Glavni saradnik: ANTE RUŽIĆ-BAČO.

Tiskara E. VITALIANI — ŠIBENIK.

SALAMON DRUTTER

ŠIBENIK.

TRGOVINA:

CIPELA ODIJELA
RUBLJA

DRVODJELSKA
RADIONA POKUĆSTVA

A. KEVO

SPLIT - kod Isusovaca - SPLIT

Izrađuje novo pokućstvo. Ne boji se konkurencije. Ima u svom skladištu izradjenog novog pokućstva i prodaje ga uz najniže cijene. Također na „Pijaci Karara“ u mom skladištu imam spavaćih soba sa kuhinjom u većem broju komada, ormara, komona kreveta, od jedne i dvije sobe, koljevke za djecu, umivaonika, noćnih ormarića, sušta, štramaca, stolica, stólova, ogledala, torniranih šofala, pisarskih stolova i t. d.

20 % popusta.

KNJIŽARA FILIP BABIĆ

ŠIBENIK

PRIJE HRVATSKA KNJIŽARA - ZADAR

Potpuno skladište knjiga na našem i stranim jezicima. — Tvorničko skladište papira uz najjeftinije cijene. — Sav pribor za urede, općine i škole. — Skladište školskih knjiga i Kr. Zemaljske naklade u Zagrebu. — Prima pretplale na stručne i periodične časopise svakog jezika i struke. — Muzikalije svake vrsti.

Zahtjevajte čijenike papira i popis knjiga, — Cijenik za urede.



Svim mojim mušterijama želim sretan Božić i Mlado Ljeto da jih provedu zdravo i veselo. —

SPIRO PENOVIĆ i Sinji
— Ban Jelačićeva ul. 2.

NOVO OTVORENA

AUTO-GARAGE

Š. BIOČIĆ

SPLIT

Marjanska cesta br. 7. - Telef. 284.

NAGRADJENI ZAVOD

„OLIMPIJA“

Beogradska ul. 4 - Split.

Moderne fotografije na svaki način uz najniže cijene. — Izradba točna!

SVI TRČITE!!!

Kavana „ISTRA“ Šibenik

Dnevno Varieté, Koncert,

zabava za svakoga. :-:

ULAZ BEZPLATAN!!!